

Tur cos ta cla pa conferencia ‘Remedi’ riba cannabis medicinal

ORANJESTAD – Remedi cannabis medicinal, hunto cu fundacion ILA I legalize Aruba, ta bay tin nan prome conferencia cu lo tuma luga diabierna 30 november y diasabra 1 december proximo na Renaissance Convention Center.

Minister Rudy Lampe (RED) a bisa cu lo bay tin dos conferencia. “Dia 30 di november proximo ta e prome biah cu un conferencia unda gobiernonan di mundo ta bay sinta evalua trabou y evolucion di diferente paisnan. Aruba por siña les y experiencianan aki.”

Segun e mandatario a bisa cu gobiernonan cu a wordo invita a confirma nan presencia ‘pa discuti e topico aki’. “Aruba ta den reino Hulandes, abo tin nan como invitado; ta imposibel cu Aruba ta keda kita azeta y persigui cu ta uza cannabis pa nan alivia nan enfermedad.” Lo bay presenta nan plan y evaluacion di cannabis medicinal, pues ‘e impacto pa Aruba ta bay ta grandi’. El a remarca a bisa cu despues di conferencia aki lo tin e evento publico.

Parlamentario Ricardo Croes di partido RED a bisa cu legalisacion di cannabis en general ta un desaroyo mundial. “Aruba den reino Hulandes, na mundo ta imposibel pa pensa cu nos ta bay keda atras. Prome historia a bira un berdad. Aruba pabien pa ta anfitrión di conferencia di suma importancia aki.”

Den e conferencia di dia 30 november lo ta topico pa medico, huridico, tratonan internacional, legislado pa comparti nivel economico. Pa asina comparti e necesidad di legalisacion di cannabis. Esaki ta uno priva pa expertonan y stakeholders invita.

Pa dia 1 di december, a pidi pa tur hende cu tin pregunta, cualquier inquietud, esunnan cu kier apoya y comparti nan exito. “E vision di desaroyo sostenibel. Problemanan cu economia y malesa, e tendencia ta pa uza mas producto natural. E mundo aki ta sufriendo a base di medianan ambiental.”

Azeta di marihuana no ta trata akinan. Sinembargo, e mandatario a bisa cu na Aruba e compara cu resto di mundo, e preocupacion di trata di combinacion di medio ambiente, salud, derecho humano, problema social, discriminacion y economia.

E ta agrega cu ambos dia ta importante pa Aruba su legalisacion, pa asina duna informacion y oportunidad pa comunidad por intercambia idea y conocimiento. “Tin hende sufriendo, muriendo y ademas mester estimulo economico awo. Mester stop di depende di Hulanda, pa firma protocol, pidi prestamo. Nos mester para pa duna kico nos por, para riba nos



mesun pia. Nos tin industria posibel pa nos. Varios reunion pa Caribe por produci, exporta y stimula economia di Caribe.” Sr. Croes a remarca cu Aruba merece miho y lo bay haya e miho.

Vicky Perez kende ta e organisado y fundado di remedi aki na Aruba a bisa cu esaki lo ta e prome conferencia internacional di cannabis medicinal di Caribe Hulandes. Nan lo tin 5 diferente speaker cu lo papia di nan experiencia cu nan pais di origen.

Segun sra. Perez dokternan lo bin papia pa splica di e topico aki. “Ta algo importante pa Aruba, paso tin duda den e topico aki. Aki lo por ricibi contesta riba nos pregunta, y busca informacion; ta importante pa laga sa.”

Gino Wauben kende ta presidente di ILA foundation a bisa cu lo amplia mas riba e conocimiento di cannabis medicinal. “Locual kier bisa hopi hende ta sufrí di diferente malesa cu no ta curabel, hopi hende a yega na nos como fundacion, bo ta bisa ‘all about compassion’.”

El a splica kico ciencia ta bisa di e mata, cu e ta curativo. “Mas di 20 pais a haci caso na esaki. E remedi ta cura. Nos ta busca tur sorto manera pa yuda hende, e ta ilegal; ta algo cu nos mester considera.”

Segun sr. Wauben ta bisa cu falta educacion riba e topico, agregando cu si no sa, mester tuma e paso pa asina por haya educacion pa por yuda humani-

dad. Den e parti regulacion, manera tin producto no garantiza, por ehempel den azeta di cannabis. E ta splica cu esaki mester wordo regula, tin formula pa con traha pa tin un bon producto.

E motibo ta cu e producto cu tin riba caya no ta garantiza y no tin regulacion. E proceso riba su mes a tuma luga steril. Varios regulacion cu tin cu tene cuenta cune.

Bon Dia Aruba a puntra sr. Croes tocante e plan pa trece educacion dilanti pa hobennan tocante e topico aki, mirando cu mayornan of persona ta keda pusha pa muchanan of hobennan ‘dijis bisa no’.

Sr. Croes a contesta cu su coleganan den parlamento a bin cu e pregunta dilanti di educacion di cannabis na un hoben, kico ta bisa e hoben. E reaccion ‘sex tambe ta masha interesante’ pa e hobennan ora nan yega puberteit, pero e cos ta bira interesante cu tur cu tin experiencia.

El a continua splica cu sex ta bin cu su responsabilidad y ta purba educa yunan pa nan mantene su mes liber di sex te ora e yega na un edad responsable. Ta purba educa yiu homber y mulhe. “Bo ta educa cu sex tin di haber cu malesa nan, cu sex tin deber cu moralidad, procreacion, sex tin efecto social principalmente den comunidad chikito, pues tin un responsabilidad grandi mara na dje.”

Sinembargo, e ta bisa cu ta prefera pa e yunan tin e mente desaroya, un

curpa cla pa ta responsabel pa accion sexual. El a splica tambe di e consumo di substancia ‘cos pa pone bo sinti dushi’, tur bebida alcoholico. Den e parti di humamento di tabaco, pipa entre otro, cu ta legal mescos cu sex. “Legalidad di sex, ki ora, ki edad ta castigabel? Pero alcohol y sigaria tambe tin di haber.”

El a continua splica cu un adulto por bebe, ley ta pone un limite. Pero cu niun mucha/ ni hoben mag ta bebiendo alcohol, cu nada diferente cu sex. “Bo ta conseha y educa bo yiu cu bo ta prefera. Pa cuminsa no a yega na cannabis ainda, ta varios cos tin cu deal cu e hoben caba cu cannabis no ta apart di dje. Ban hinca den grupo cu a caba di menciona e cannabis ta bon, pero unicamente ora e mucha ta malo y doctor a prescribi esaki.”

Sinembargo sr. Croes ta aclara cu ta para pa e consumo di un adulto, mescos consumo di alcohol, relacion sexual ‘cannabis no ta diferente’. El a bisa cu ta importante pa tur realisa cu arma por ta legal, droga, alcohol, prostitucion por ta legal, esey no kieren e ta bon.

E kieren e ta legal a base di informacion, educacion actual y corecto. “Abo ta responsabel pa e decision cu abo ta tuma y kico ta bay hinca den bo curpa; esey ta diferencia entre legal, bon, malo y informacion adecuado pa abo tuma e decision corecto. Educacion di cannabis no ta bay apart sex, alcohol, formacion social of moral”, el a finalisa ta bisa.